



«ТАСДИҚЛАНГАН»

«ASIA ALLIANCE BANK»

акциядорлик тижорат банки

Кенгашининг 2015 йил «24» январь даги

сонли қарори билан

Кенгаш Раиси

Р.С. Исламов

2015 йил «24» январь

М.Ў.



«РЎЙХАТГА ОЛИНГАН»

Ўзбекистон Республикаси

Марказий банки

Раисининг биринчи

ўринбосари

У.М. Мустафоев

2015 йил «9» февраль № 28-43 0106

М.Ў.

**«ASIA ALLIANCE BANK» акциядорлик тижорат банкининг юридик  
шахслар учун депозит сертификатларини чиқариш ва муомалада бўлиш  
Шартлари**

**3-Чиқарилиш**

Мазкур Шартлар Ўзбекистон Республикасининг «Банклар ва банк фаолияти тўғрисида»ги ва «Қимматли қоғозлар бозори тўғрисида»ги қонунларига ҳамда Ўзбекистон Республикаси Адлия вазирлиги томонидан 2008 йил 24 сентябрда 1859-сон билан рўйхатга олинган «Банкларнинг депозит (омонат) сертификатларини чиқариш ва муомалада бўлиш тартиби тўғрисида»ги Низом асосида ишлаб чиқилган бўлиб, «ASIA ALLIANCE BANK» акциядорлик тижорат банкининг депозит сертификатларини чиқариш ва муомалада бўлишини тартибга солади.

**I. УМУМИЙ ҚОИДАЛАР**

1.1. «ASIA ALLIANCE BANK» акциядорлик тижорат банкининг (кейинчалик «банк») депозит сертификати (кейинги матнда «сертификат») - банкка қўйилган депозит суммасини ва омонатчининг (сертификат сақловчининг) депозит суммасини ҳамда сертификатда шартлашилган фоизларни сертификатни берган банкдан ёки банкнинг исталган филиалидан белгиланган муддат тугаганидан кейин олиш ҳуқуқини тасдиқловчи ноэмиссиявий эгасининг номи ёзилган қимматли қоғоз ҳисобланади.

1.2. Сертификатлар бланкалар тарзида ҳужжатли шаклда чиқарилади.

1.3. Сертификатни товарлар олди-сотдиси ёки кўрсатилган хизматлар (ишлар) учун ҳисоб-китоб қилишда тўлов воситаси сифатида қўллаш мумкин эмас.

1.4. Сертификатларининг олди-сотдиси ва улар бўйича суммаларни тўлашга доир пуллик ҳисоб-китоблар нақдсиз шаклда амалга оширилади.

1.5. Сертификатларнинг қиймати Ўзбекистон Республикасининг миллий валютасида ифодаланади. Сертификатларни хорижий валютада чиқариш тақиқланади.

## II. СЕРТИФИКАТ БЛАНКАЛАРИНИ РАСМИЙЛАШТИРИШ ТАРТИБИ

2.1. Сертификат бланкаларида куйидаги мазмундаги мажбурий реквизитлар бўлиши лозим (1-илова):

- а) “депозит сертификати” номи;
- б) сертификат рақами ва серияси;
- в) депозит қўйилган сана;
- г) сертификат бўйича суммани талаб қилиб олиш санаси;
- д) сертификат билан расмийлаштирилган депозит миқдори (рақамлар ва сўзлар билан);
- е) банкнинг депозитга қўйилган суммани қайтариш ва тегишли фоизларни тўлаш юзасидан мажбурияти;
- ж) депозитдан фойдаланиш учун фоиз ставкаси;
- з) тўланиши лозим бўлган фоиз суммаси (рақамлар ва сўзлар билан);
- и) эмитент банкнинг номи, жойлашган манзили;
- к) депозит сертификатида омонатчи - юридик шахснинг номи ва жойлашган манзили;
- л) банк томонидан сертификатни имзолаш ҳуқуқи берилган икки нафар мансабдор шахснинг банк муҳри билан тасдиқланган имзолари.

Сертификат бланкининг матнида юқорида кўрсатилган мажбурий реквизитлардан бири кўрсатилмаган тақдирда сертификат ҳақиқий эмас деб ҳисобланади.

2.2. Сертификатда талаб қилиб олиш ҳуқуқидан бошқа шахснинг фойдасига воз кечиш (цессия) сертификат бланкасининг орқа томонида расмийлаштирилади. Агар цессияни расмийлаштириш учун қўшимча варақлар талаб этилса, унда сертификатнинг иловалари ҳам бўлиши мумкин. Ушбу иловалар сертификат сақловчисининг талаби билан сертификатни муомалага чиқарувчи банк томонидан расмийлаштирилади.

Сертификатнинг иловалари рақамланган, сертификат бланкасига тикилган ва сертификатни имзолаш ҳуқуқи берилган икки нафар мансабдор шахс томонидан имзоланиши ҳамда банк (банк филиали) муҳри билан тасдиқланган бўлиши лозим.

2.3. Сертификат бланкасида сертификатни чиқариш ва унинг муомалада бўлиш шартлари (кейинги ўринларда - чиқарилиш шартлари), шу жумладан, талаб қилиб олиш ҳуқуқидан бошқа шахс фойдасига воз кечиш ҳамда сертификат йўқотилганда сертификат бўйича ҳуқуқларни қайта тиклаш тартиби акс эттирилган бўлиши лозим.

2.4. Сертификат бланкаси банк томонидан қўлда шарикли ручкада, ёзув машинкасида ёки компьютернинг ёзув мосламасида (принтерда) тўлдирилади.

Сертификат билан расмийлаштирилган депозит миқдори рақамлар ва сўзлар билан ёзилади.

Сертификатнинг рақамда ёзилган қийматидан олдин ва кейинги бўш жойлар, шунингдек номиналнинг сўзда ёзилган қийматидан кейин қолган бўш жойлар икки параллел чизик тортиш йўли билан тўлдириб қўйилиши керак. Сўзлар билан ёзилган ҳамда рақамлар билан белгиланган суммалар ўртасида фарқ бўлган тақдирда сўзлар билан ёзилган сумма ҳақиқий ҳисобланади.

2.5. Сертификатда имзо ва банк муҳрларини босмаҳона усулида қўйиш тақиқланади.

2.6. Сертификатни беришда банк сертификат корешогидаги барча реквизитларни тўлдиради. Сертификат корешоги омонатчи (омонатчи-юридик шахснинг раҳбари) ёки омонатчининг қонун ҳужжатларига биноан расмийлаштирилган ишончномага эга бўлган ваколатли шахс томонидан имзоланади. Сертификат корешоги сертификатдан ажратилади ва банкда ишончнома билан бирга сақланади.

2.7. Сертификат омонатчига (омонатчи-юридик шахснинг раҳбари) ёки омонатчининг ишончномага эга бўлган ваколатли шахсига берилади. Ишончнома сертификат корешоги билан бирга банкда сақланади.

2.8. Банк томонидан сертификатни тўлдиришда тузатиш ва ўчиришларга йўл қўйилмайди.

2.9. Сертификат бланкасини омонатчига беришда тўғри расмийлаштириш ва тўлдириш учун жавобгарлик банк зиммасига юклатилади.

2.10. Депозит сертификати бланкалари, шунингдек сертификатларга қўшимча варақлар (иловалар) фақат қимматли қоғозлар бланкаларини ишлаб чиқариш ҳуқуқини берувчи лицензияга эга бўлган «Давлат белгиси» ДИЧБ Тошкент босма фабрикаси томонидан тайёрланади. Сертификатга қўшимча варақлар (иловалар) сертификат бланкаси билан бир вақтда тайёрланади.

2.11. Сертификат бланкалари "Қимматли қоғозлар бланкаларига қўйиладиган техник талаблар тўғрисида"ги низом талабларига мувофиқ тайёрланади.

### III. СЕРТИФИКАТЛАРНИНГ МУОМАЛАДА БЎЛИШ ТАРТИБИ

3.1. Сертификатдан бошқа шахс фойдасига воз кечиш мумкин.

3.2. Депозит сертификати бўйича талаб қилиб олиш ҳуқуқи фақат юридик шахсга ўтказилиши мумкин.

3.3. Сертификат бўйича талаб қилиб олиш ҳуқуқидан бошқа шахс фойдасига воз кечиш бундай сертификатнинг орқа томонида ёки қўшимча варақларда (иловалар) ўз ҳуқуқини бераётган (цедент) ва ушбу ҳуқуқни сотиб олаётган шахснинг (цессионарий) икки томонлама битими билан банкда расмийлаштирилади.

Депозит сертификати бўйича талаб қилиб олиш ҳуқуқидан воз кечиш ҳақидаги шартнома шу каби битимларни амалга ошириш учун ҳар бир юридик шахс томонидан ваколат берилган икки нафар шахс томонидан имзоланади ва юридик шахсларнинг муҳрлари билан тасдиқланади.

3.4. Сертификатлар қўйидаги миқдор ва ҳажмларда чиқарилади:

Қиймати	Дона	Умумий ҳажми
50.000.000	40	2.000.000.000
100.000.000	30	3.000.000.000
200.000.000	25	5.000.000.000
500.000.000	60	30.000.000.000
1.000.000.000	60	60.000.000.000
<b>Жами:</b>	<b>215</b>	<b>100.000.000.000</b>

3.5. Сертификат сотиб олиш учун омонатчи ёзма равишда банкка ариза билан мурожаат қилади.

3.6. Сертификат олиш бўйича шартнома тузилаётганда омонатчи сертификат бланкаларини олувчи жавобгар шахсга ишончнома ва унинг паспорт нусхасини тақдим этади.

3.7. Сертификат олиш бўйича шартнома тузилгандан сўнг, омонатчи унда кўрсатилган пул маблағларини Банкнинг белгиланган ҳисобварағига 2 (икки) банк иш куни давомида ўтказиши керак. Омонатчи (юримдик шахс) томонидан банкнинг тегишли ҳисобварағига пул маблағлари ўтказилгандан сўнг, 2 (икки) банк иш куни ичида омонатчига сертификат бланкаси берилади.

3.8. Берилган сертификат бланкалари Банкнинг депозит сертификатларини рўйхатга олиш китобида қайд этилади.

3.9. Банк сертификатлари эгаларининг реестрини депозит сертификатларини рўйхатга олиш китобига мувофиқ доимий равишда олиб боради.

3.10. Сертификат сақловчи ўзи бўйича ўзгарган маълумотлар (мулкчилик шакли, юримдик манзил, банк реквизитлари ва ҳ.к.) ҳақида Банкни ўзгаришлар содир бўлган кундан бошлаб 3 (уч) банк иш куни ичида хабардор қилиши лозим.

3.11. Талаб қилиб олиш ҳуқуқидан бошқа шахс фойдасига воз кечилганида (цессияда) сертификат корешогига ўзгартиришлар киритилмайди.

3.12. Воз кечиш тўғрисидаги ҳар бир шартнома цедент томонидан рақамланади ва Банк томонидан рўйхатга олинади. Банк масъул ходими томонидан сертификат бўйича талаб қилиб олиш ҳуқуқидан воз кечиш ҳақидаги маълумотлар "Банкнинг депозит сертификатларини рўйхатга олиш китобида" қайд этилади.

3.13. Сертификат бўйича талаб қилиб олиш ҳуқуқидан воз кечилаётганда Цессинарий Банкка сертификат бланкаларини олувчи жавобгар шахсга ишончнома ва унинг паспортини (омонатчи-юримдик шахснинг раҳбари фақат паспорт) цессия шартномасини расмийлаштирилаётган куни тақдим этиши лозим.

3.14. Сертификат бўйича талаб қилиб олиш ҳуқуқидан воз кечиш битими расмийлаштирилган кун Банк Цедентнинг тегишли ҳисобварағига ушбу Шартларнинг 4.1. бандида кўрсатилган фоиз ставкалари миқдоридан сертификатларнинг ҳақиқатда муомалада бўлган муддати учун тегишли солиқларни чегирма қилган ҳолда фоиз даромадларини тўлаб беради. Цессияни расмийлаштириш узлуксиз бўлиши шарт.

3.15. Сертификат бўйича талаб қилиб олиш ҳуқуқидан бошқа шахс фойдасига воз кечиш сертификат муомалада бўлган даврдагина амалга оширилиши мумкин.

3.16. Сертификат бўйича талаб қилиб олиш ҳуқуқидан воз кечиш битими бўйича келиб чиқадиган мажбуриятлар цедент ва цессинарий томонидан уни расмийлаштирилган кундаёқ бажарилиши лозим.

3.17. Сертификат цессиясини расмийлаштиришда сертификатнинг орқа томонида йўл қўйилган хатолар тузатилганда у тузатиш киритилган сана кўрсатилган ҳолда "тузатилди" ёзуви билан тасдиқланиши ҳамда цедент ва цессинарий томонидан имзоланиши ва муҳрланиши шарт.

3.18. Депозитнинг сертификат бўйича талаб қилиш ҳуқуқи сертификатда белгиланган депозитни сўндириш санаси келгандан сўнг юзага келади.

Сертификатларни муддатидан олдин тўловга тақдим этиш мумкин.

3.19. Сертификатни сўндириш муддати келганда, омонатчи томонидан тўловга тақдим этилган сертификат ва аризага мувофик унда кўрсатилган ҳисобвараққа Банк томонидан 2 (икки) банк иш куни давомида тўлов амалга оширилади. Сертификатни сўндириш бўйича ариза сертификат сакловчининг фирма бланкасида корхона раҳбари томонидан қўл қўйилган ва муҳрланган ҳолда расмийлаштирилиши лозим.

3.20. Сертификат сакловчилари томонидан банкка тўлаб бериш учун тақдим этилган сертификатларда уларни талаб қилиш ҳуқуқи бошқа шахс фойдасига воз кечилганлиги ҳақида ёзувлар мавжуд бўлса, бунда банк сертификатнинг бошқа шахс фойдасига воз кечишга доир шартномаларнинг (цессияларнинг) узлуксизлигини, шунингдек сертификат сакловчисининг охириги шартнома (цессия)даги номи, муҳри ва ваколатли шахслари имзоларининг сертификатни тўлаб беришни сўраб ёзилган аризадаги номи, муҳри ва имзоларига мослигини текшириб кўради.

Аризадаги ваколатли шахслар имзолари сертификатдаги охириги цессияни имзолаган шахслар имзоларига мос келмаган тақдирда, сертификат сакловчиси Банкка вакилнинг ваколатини тасдиқловчи ҳужжат тақдим этиши талаб этилади ва ҳужжат тўлаб берилган сертификатга қўшиб тикиб қўйилади.

#### IV. СЕРТИФИКАТЛАР БЎЙИЧА ФОИЗЛАР ҲИСОБЛАШ

4.1. Сертификатлар қуйидаги муддатларга ва фоизларда чиқарилади:

Муомала муддати	Йиллик фоиз ставкаси
180 кун	7 (етти) фоиз
270 кун	8 (саккиз) фоиз
395 кун	9,5 (тўққиз бутун ўндан беш) фоиз.
545 кун	10,5 (ўн бутун ўндан беш) фоиз

4.2. Сертификатлар бўйича фоизлар Банкнинг тегишли ҳисобварағига сертификатлар учун пул маблағлари келиб тушган кундан бошлаб ҳар куни сертификатларни амалдаги муомалада бўлган даври учун йиллик 365 кундан келиб чиққан ҳолда Ўзбекистон Республикаси Марказий банкининг "Тижорат банкларида фоизларни ҳисоблаш тўғрисида" Низомга (АВ томонидан 30.01.2004 й.да 1306-сон билан рўйхатга олинган) мувофик ҳисоблаб борилади ва ҳар ойнинг 24 санасидан бошлаб 3 (уч) банк иш куни ичида омонатчининг тегишли ҳисобварағига ўтказиб берилади. Омонатчи томонидан сертификат бўйича банкдаги тегишли ҳисобварағига пул маблағлари келиб тушган кун ва ушбу ҳисобварақдан пул маблағлари ечиб олинган кун фоиз ҳисоблашда бир кун ҳисобига олинади.

4.3. Сертификатлар бўйича ҳисобланган даромадни солиққа тортилиши Ўзбекистон Республикаси қонунчилигида белгиланган тартибда амалга оширилади.

4.4. Банк сертификатни бериш вақтида шартлашилган ва сертификатда белгиланган фоиз ставкасини бир томонлама ўзгартиришга (камайтириши ёки кўпайтириши) ҳақли эмас.

4.5. Сертификат сақловчиси сертификатни муддати тугагунга қадар қайтариб беришни талаб қилиш нияти бўлса, у ўзининг бу ниятидан банкни омонатни олишни мўлжаллаётган санадан камида бир ой олдин хабардор қилиши шарт. Бунда сертификат бўйича фоиз тўлови сертификат ҳақиқатда муомалада бўлган муддат учун йиллик қуйидаги фоиз ставкасида қайта ҳисобланади:

- 179 кун ичида сўндиришга тақдим этилса – йиллик 6 (олти) фоиз;
- 181 кундан 269 кун оралиғида сўндиришга тақдим этилса – йиллик 7,5 (етти бутун ўндан беш) фоиз;
- 271 кундан 394 кун оралиғида сўндиришга тақдим этилса – йиллик 8,5 (саккиз бутун ўндан беш) фоиз;
- 396 кундан 544 кун оралиғида сўндиришга тақдим этилса – йиллик 9,5 (тўккиз бутун ўндан беш) фоиз.

Сертификат бўйича аввал амалга оширилган фоиз тўловлари ва қайта ҳисоблаш натижасида тўланиши лозим бўлган фоизлар миқдори ўртасидаги фарқ депозит суммаси ҳисобидан ушлаб қолинади.

4.6. Сертификатлар банк ташаббуси билан қонун ҳужжатларида белгиланган ҳолатларда муддатидан олдин тўловга тақдим этилганида, банк томонидан депозит суммасига сертификатнинг амалда бўлган муддати учун сертификатда белгиланган фоиз ставкалари миқдорида даромад тўланади. Бунда, банк сертификатларнинг муддатидан олдин тўловга тақдим этилиши ва уларни тўловга тақдим этиш шартлари тўғрисида камида бир ой олдин оммавий ахборот воситалари орқали эълон бериши лозим. Банк томонидан қайтариб сотиб олинган сертификат сўндирилган ҳисобланади.

4.7. Агар сертификат бўйича депозитни олиш муддати етиб келганда сертификат омонатчи томонидан тўловга ўз вақтида тақдим этилмаса, омонат суммаси банкда талаб қилиб олингунга қадар депозит шартлари асосида сақланади ва мижознинг биринчи талаби биланоқ сертификатда ёзилган асосий суммани ва ҳисобланган фоизларни тўлаб беради. Бунда банк сертификат муомала муддати ўтиб кетган даври учун сертификатда белгиланган фоизни ва талаб қилиб олгунга қадар депозит бўйича фоизни ҳисобламайди ва тўламайди.

4.8. Сертификатни сўндириш муддати Банкнинг айби билан кечиктирилган бўлса, кечиктирилган кунлар учун сертификатда белгиланган фоиз ставкаси миқдорида фоиз ҳисобланади ва омонатчига тўланади.

## V. ЯКУНЛОВЧИ ҚОИДАЛАР

5.1. Депозит сертификатларининг қорешогларини, сертификат бланкаларини ва сертификатларнинг қўшимча варақларини (иловаларини) сақлаш, шунингдек банк томонидан сертификат бланкаларининг бухгалтерия ҳисобини юритиш ҳамда сертификатлар билан боғлиқ амалиётлар белгиланган тартибда амалга оширилади.

5.2. Йўқотилган сертификатлар бўйича ҳуқуқлар банк томонидан қайта тикланади.

5.3. Сертификат йўқотилганда сертификат сақловчиси унинг дубликатини беришни сўраб банкка ёзма равишда ариза билан мурожаат этишга ҳақлидир.

5.4. Сертификат йўқолганлиги аниқланганда сертификат сақловчиси бу ҳақда 2 (икки) банк иш куни ичида ариза тақдим қилиш орқали банкни хабардор қилиши шарт. Ариза банкка тақдим этилган санадан бошлаб, 5 (беш) банк иш куни ичида кўриб чиқилади. Ариза банкнинг махсус журналида қайд этилади, ушбу журнал рақамланган, тикилган ва банк муҳри билан тасдиқланган бўлиши лозим.

5.5. Ариза сертификатнинг корешоги билан бирга сақланади. Аризада сертификат расмийлаштирилган сана, сертификат рақами, сертификат банкнинг қайси бўлими орқали берилганлиги, кимнинг номига расмийлаштирилганлиги (юридик шахснинг номи кўрсатилади) ва қанча миқдордалиги кўрсатилади.

Ариза ва бошқа зарур ҳужжатлар банк Бошқаруви ташкил этган махсус комиссия томонидан кўриб чиқилгандан сўнг ва ариза бўйича ижобий қарор қабул қилинганидан кейин банк аризачига 5 (беш) банк иш куни ичида йўқолган сертификат дубликатини беради ёки сертификатни муомалада бўлиш муддати келган бўлса сертификат бўйича тўловларни амалга оширади.

ДЕПОЗИТ СЕРТИФИКАТИНИНГ КОРЕШОГИ	"ASIA ALLIANCE BANK" АКЦИЯДОРЛИК ТИЖОРАТ БАНКИ ДЕПОЗИТ СЕРТИФИКАТИ	
СЕРИЯ ААБ – 03	СЕРИЯ ААБ-3	РАҚАМИ _____
РАҚАМИ _____	Депозит кўйилган сана 201 йил «    » _____	Сертификат бўйича депозитни талаб қилиб олиш санаси 201 йил «    » _____
Қиймати : _____ ( _____ ) сўм		Қиймати : _____ ( _____ ) сўм
	Фоиз ставкаси : _____ (рақамлар ва сўзлар билан)	
Берилган санаси 201 йил «    » _____	«ASIA ALLIANCE BANK» акциядорлик тижорат банки (100047, Тошкент шаҳри, Тараққиёт кўчаси 2а-уй.) ушбу орқали банкка _____ ( _____ ) (рақамлар ва сўзлар билан) сўм миқдорда	
(берилган юридик шахснинг номи ва жойлашган манзили)	(юридик шахснинг номи ва жойлашган манзили)	
Сертификатни олдим 201 йил «    » _____	депозитни жойлаштиргани тўғрисида гувоҳлик беради, шунингдек омонатчига ёки унинг ҳуқуқий ворисига кўрсатилган _____ (рақамлар ва сўзлар билан) сўм маблағни йилига _____ (рақамлар ва сўзлар билан) миқдоридаги фоиз ҳисобидан _____ (рақамлар ва сўзлар билан) сўм миқдоридаги фоизларни қўшиб, жами	
(Омонатчининг имзоси ёки унинг ваколатли шахснинг имзоси)	(рақамлар ва сўзлар билан)	сўм қайтариш мажбуриятини олади.
	Имзолар:	
	(Банкнинг мансабдор шахси)	
	(Банк бухгалтери)	



Сертификатни бошқа шахсга берини (цедентнинг рақобатлигини) таъминлаш  
 Бошқа шахсга берини таъминлаш шарт № \_\_\_\_\_ (Цедент) бир томондан  
 (цедентнинг номлаши, номи) \_\_\_\_\_  
 № \_\_\_\_\_ (Цессинарий) иккинчи томондан.  
 (цессинарийнинг номлаши, номи) \_\_\_\_\_  
 куйидагилар ҳақида келишиб олдилар: сертификатнинг эгаси ("Цедент") уш бошқа  
 шахсга ("Цессинарий") беради, \_\_\_\_\_  
 эса \_\_\_\_\_  
 (цессинарийнинг номлаши, номи) \_\_\_\_\_  
 рақамли сертификат буйича ҳуқуқларга эга бўлади.  
 \_\_\_\_\_ (цедентнинг ёки унинг ваколатига эга шахснинг имзоси)  
 \_\_\_\_\_ (цессинарийнинг ёки унинг ваколатига эга шахснинг имзоси)

М.Ў. \_\_\_\_\_ М.Ў. \_\_\_\_\_ М.Ў. \_\_\_\_\_

Депозит сертификати (матнинг кейинги ўринларида «Сертификат») – бу «ASIA ALLIANCE BANK» АТБ (матнинг кейинги ўринларида «Банк»)да кўйилган депозит суммасини ва омонатчининг (сертификат сакловчининг) депозит суммасини ҳамда сертификатда шартлашилган фоизларни берган банкдан ёки шу Банкнинг исталган филиалидан белгиланган муддат тугагандан кейин олиш ҳуқуқини тасдиқловчи нозмиссиявий эгасининг номи ёзилган қимматли қоғоз.

Сертификатни товарлар олди-сотдиси ёки кўрсатилган хизматлар (ишлар) учун ҳисоб-китоб қилишда тўлов воситаси сифатида қўллаш мумкин эмас.

Депозит сертификатларининг олди-сотдиси ва улар буйича суммаларни тўлашга доир пуллик ҳисоб-китоблар нақдсиз шаклда амалга оширилади.

Сертификатлар буйича фоизлар Банкнинг тегишли ҳисобварағига сертификатлар учун пул маблағлари келиб тушган кундан бошлаб ҳар куни ҳисоблаб борилади ва ҳар ойнинг 24 санасидан бошлаб 3 (уч) банк иш куни ичида тузилган омонатчи-юримдик шахслар рўйхати буйича омонатчиларнинг тегишли ҳисобварағига ўтказиб бериш орқали амалга оширилади.

Сертификат сакловчиси сертификатни муддати тугагунга қадар қайтариб беришни талаб қилиш нияти бўлса, у ўзининг бу ниятидан банкни омонатчи олишни мўлжаллаётган санадан камида бир ой олдин хабардор қилиши шарт. Бунда сертификат буйича фоиз тўлови сертификат ҳақиқатда муомалада бўлган муддат учун йиллик куйидаги фоиз ставкасида қайта ҳисобланади:  
 179 кун ичида сўндиришга тақдим этилса – йиллик 6 (олти) фоиз;  
 181 кундан 269 кун оралиғида сўндиришга тақдим этилса – йиллик 7,5 (етти бутун ўндан беш) фоиз;  
 271 кундан 394 кун оралиғида сўндиришга тақдим этилса – йиллик 8,5 (саккиз бутун ўндан беш) фоиз;  
 396 кундан 544 кун оралиғида сўндиришга тақдим этилса – йиллик 9,5 (тўққиз бутун ўндан беш) фоиз.  
 Сертификат буйича аввал амалга оширилган фоиз тўловлари ва қайта ҳисоблаш натижасида тўланиши лозим бўлган фоизлар миқдори ўртасидаги фарқ депозит суммаси ҳисобидан ушлаб қолинади.

Депозит сертификати буйича талаб қилиб олиш ҳуқуқи фақат юридик шахсга ўтказилиши мумкин. Сертификат буйича талаб қилиб олиш ҳуқуқидан бошқа шахс фойдасига воз кечиш ўз ҳуқуқини бераётган (цедент) ва ушбу ҳуқуқни сотиб олаётган шахснинг (цессинарий) икки томонлама битими билан банкда расмийлаштирилади.

Сертификатлар банк ташаббуси билан қонун ҳужжатларида белгиланган ҳолатларда муддатидан олдин тўловга тақдим этилганда, банк томонидан омонат суммасига сертификатнинг амалда бўлган муддати учун фоизлар тўланади. Бунда, банк сертификатларнинг муддатидан олдин тўловга тақдим этилиши ва уларни тўловга тақдим этиш шартлари тўғрисида камида бир ой олдин оммавий ахборот воситалари орқали эълон бериши лозим.

Сертификатни бериш вақтида белгиланган ва муомала муддати тугагандан сўнг (сертификат эгаси сертификат буйича депозитини талаб қилиб олиш ҳуқуқини қўлга киритганда) сертификат эгасига тўланиши лозим бўлган фоизлар мақсур сертификат сотиб олинган вақтдан қатъи назар, 2 (икки) банк иш куни ичида банк томонидан тўланади.

Агар сертификат буйича депозитни олиш муддати етиб келганда сертификат омонатчи томонидан тўловга ўз вақтида тақдим этилмаса, омонат суммаси банкда талаб қилиб олингунга қадар депозит шартлари асосида сақланади ва миқдорини биринчи талаби биланоқ сертификатда ёзилган асосий суммаси ва ҳисобланган фоизларни тўлаб беради. Бунда банк сертификат муомалада бўлиш муддати ўтиб кетган даври учун сертификатда белгиланган фоизни ва талаб қилиб олгунга қадар депозит буйича фоизни ҳисобламайди ва тўламайди.

Сертификатлар буйича ҳисобланган даромад солиққа тортилиши Ўзбекистон Республикаси қонунчилиғида қўзда тутилган тартибда амалга оширилади.

Ўйқотилган сертификатлар буйича ҳуқуқлар банк томонидан қайта тикланади.

Сертификат йўқолганлиги аниқланганда сертификат сакловчиси бу ҳақда 2 (икки) банк иш куни ичида ариза тақдим қилиш орқали банкни хабардор қилиши шарт. Ариза банкка тақдим этилган санадан бошлаб, 5 (беш) банк иш куни ичида қўриб чиқилади. Ариза банкнинг маҳсус журналида қайд этилади, ушбу журнал рақамланган, тикилган ва банк муҳри билан тасдиқланган бўлиши лозим.

Ариза ва бошқа зарур ҳужжатлар банк Бошқаруви ташкил этган маҳсус комиссия томонидан қўриб чиқилгандан сўнг ва ариза буйича ижобий қарор қабул қилингандан кейин банк аризаларга 5 (беш) банк иш куни ичида йўқолган сертификат дубликатини беради ёки сертификатни муомалада бўлиш муддати келган бўлса сертификат буйича тўловларни амалга оширади.